

## Namminersorlutik Oqartussat

2021-mi kukkunersiuinermit nalunaarut  
(Kukkunersiuusut oqaaseqaataat)

# Imarisai

1.	Ukiumoortumik naatsorsuutit	1408
2.	Kukkunersiuinermik ingerlanneqartumik inerniliineq	1409
3.	Aningaasaqarnermik kukku-nersiuineq	1416
4.	Inatsisit atuutsinneqarnerannik kukkunersiuineq	1425
5.	Ingerlatsinermik kukkuner-siuineq	1432
6.	Ingerlatsinermik kukkuner-siuinerit anginerit	1436
7.	Immikkoortunit allanit kukku-nersiuisutut suliat allat pillugit paasissutissat	1438
8.	Paasissutissat allat	1441
9.	Atsiornerit	1442

# 1. Ukiumoortumik naatsorsuutit

Namminersorlutik Oqartussat 2021-mi ukiumoortumik naatsorsuutaat Naalakkersuisunit saqqummiunneqarput.

Deloitte, avataanit kukkunersuiusutut toqqakkatut ukiumoortumik naatsorsuutitut inatsisit, malittarisassat ileqqussallu atuuttut naapertorlugit kukkunersuiuinermik ingerlatsivoq.

Ukiumoortumik naatsorsuutit ilanngussanik (naatsorsuutit nassuiarneqarnerannik) imaqallit – uagut kukkunersuiukkatsinnik – kisitsisinik pingaarnernik imaattunik saqqummiussipput:

	2021 mio.kr.	2020 mio.kr.
Ingerlatsinermi angusat	102	192
Ingerlatsineq- sanaartorneq & taarsigassarsiat (DAU-mi angusat)	140	-168
Aningaasarsiutigalugu taarsigassarsisitsisarnermi iluarsisani angusat (DA-angusat)	150	135
Pigisat	9.718	9.713
Nammineq aningaasaatit/oqimaaqatigiissitsinermi konto	-7.126	-7.228

- isumaqarput oqimaaqatigiissitsinermi sinneqartoorutit ajunngitsumillu angusaqarneq

Kukkunersuiunerup siunertaa, annertussusia aamma ingerlanneqarnera, kukkunersuisup nalunaarutiginninnera kiisalu akisussaaffiit agguataarneqarnerat il.il. Deloitte najoqqutassiaani "Nalinginnaasumik atugassarititaasut aamma piumasaqaatit" allassimapput. Takuuk [www.deloitte.dk](http://www.deloitte.dk)

## 2. Kukkunersiuinermik ingerlanneqartumik inerniliineq

### 2.1. Kukkunersuisut uppersaanerat

Kukkunersiuineq ingerlanneqartoq tunuliaqutaralugu ukiumoortumik naatsorsuutit nangaasuteqarata uppersaaserpavut.

Ukiut siuliini periaasitsinnut assingusumik kukkunersiuinerup paasineqarnissaanut erseqqissaammik ilanngussivugut, matumani malugeqqullugu naatsorsuutini missingersuutit kisitsisaat ilanngussat kukkunersiorsimanginnatsigik.

Taamaattoq ileqqorissaarnissaq naapertorlugu oqaatigineqassaaq, kisitsisit tamarmik Aningaasanut Inatsimmiittunut assingunerat nakkutilliiffigatsigu, aamma aningaasaliissutit atukkallu akornanni nikingassutaasut naatsorsuuserinermi nassuiaasersorneqarsimanerat. Taamaattumik taamaallaat pineqarpoq missingersuuterpiaat/Aningaasanut Inatsit uagut kukkunersiorsimangikkipput.

Kukkunersuisut uppersaaneranni ingerlatsinermik kukkunersiuinermut atasumik isorinninnermik oqaaseqaatinik saqqummiussingilagut.

Kukkunersuisut uppersaanerat ukiumoortumik naatsorsuutini quppernerni 4-6 aamma takuneqarsinnaavoq.

Soorlu qulaani taaneqartutut Nunap Karsiata 2021-mi naatsorsuutai nangaassutitaqanngitsumik uppersaaserpavut.

Tamanna isumaqarpoq, Nunap Karsiata naatsorsuutai ataatsimut katillutik eqqortumik takussutissii-sut Nunap Karsianik naatsorsuusiortarnermi periusissat naapertorlugit – aamma naatsorsuutininik atu-artussap naatsorsuutininik naliliinissaanut pingaarutilittut isigineqartut aallaavigalugit killiussap aalajangersimasup iluani suliarineqarsimasut.

Uagut suli isumaqarpugut, nakkutilliinermik ingerlatsinerit, taakkununga ilanngullugit uppersaanerit – aamma nakkutilliinermik ingerlatsinernit malitseqartitsinerit, suliffeqarfittut Namminersorlutik Oqartussatut angissuseqartumut aamma katitigaasumut tamatigut naatsorsuutigineqarsinnaasari-aqaraluartut naapertorlugit, suli ingerlatsisoqalinngitsoq.

Immikkoortumi tulluuttuni takuneqarsinnaasutut, ukiut siuliinisuulli immikkoortut ilaanni suli allaffissor-nikkut sukaterisoqarsinnaavoq.

## 2.2. Ukiumi naatsorsuuseriffiusumi kukkuner-siuisut oqaaseqaataat

Nr.	Kukkunersiuisut oqaaseqaataat	Innersuussut
2021-01	It – atuisunik aqutsineq	2.2.1
2021-02	Pisiniartarfinnut akiitsut aamma aningaaserivimmi uninngasuutit naligiissaarneqarnerat	2.2.2

### 2.2.1. IT-mik suliassaqarfimmi atuisunik aqutsineq (2021-02)

Namminersorlutik Oqartussat kukkunerisiorneqarnerannut atasumik it-mik nakkutilliissutit nalinginnaasut toqqakkat ilusilersorneqarnerat aamma atuutsinneqarnerat naliliiffigaavut, taakkua ukiumoortumik nalunaarummik saqqummiussinermut naapertuuttutut nalilikavut, kukkunernik pingaarutilinnik eqqortumilli aamma inatsisitigut piomasagaataasut naapertorlugit saqqummiussinissamat naammassinnittut. Nakkutilliissutit nakkutilliinermik ingerlatsinerisa pitsaassusiat misileranngilarput.

IT-mik nakkutilliissutit nalinginnaasut toqqakkat kukkunerisiorneqarnerat tunuliaqutaralugu, tassa Naalackersuisuni it-mik nakkutilliissutit naapertuuttutut tamakkiisumik inerisimassuseqartussatut uagut naliliinerput tunngavigalugu, suliassaqarfiit pingaarutilit tulliuuttut pitsanngorsaaffigineqartariaqartut suussusersivagut:

- Innersuussutigaarput Naalackersuisut atuisunik allaffissornermik periusissiamik pisortatigoortumik suliagaqqullugit, aqqqissuussanut aamma suliamik ingerlatsiffinnut tamanut atuuttumik. Periusissaq tulliuuttunik imaqartariaqarpoq:
  - Atuisunik pilersitsinerimi aamma pisinnaatitsissutinik tunniussinerimi periusissiaq.
  - Piffissakkuutaartumik (minnerpaamik ukiumoortumik) isissutit aamma pisinnaatitsissutit naliliiffigineqaaqqinnerat, ilanngullugit atuuffinnik immikkoortitsisinnaanarit toqqissimanartut pilersinneqarsimanerat.
  - Atuisut atorfimminnit soraarneranni piffissaatillugu atorunnaarsinneqartarnerat.

Tassunga tallissutitut innersuussutigaarput periusissiap Namminersorlutik Oqartussani tamani pigiliunneqarnera Naalackersuisunit qulakkeerneqaaqqullugu, taamaalilluni qulakkeerneqaaqqullugu taanna tamatigut malinneqartoq aamma atuisunik atorunnaarsitsinerit piffissakkuutaartumillu pisinnaatitsissutinik nalileeqqittarneq kiisalu atuuffinnik immikkoortitsisinnaaneq pisortatigoortumik uppersarsarneqartaqqullugit.

### 2.2.2. Pisiortorfinnut akiligassat aamma aningaaserivimmiittuutit imarisaasa naligiissaarneqarnerat

Avataani pisiniartarfiit akornanni akiligassat naligiissaarneqarnerat nakkutilliineruvoq pingaaruteqarluinnartoq, nioqqutissanik kiffartuussinermillu pisiniarnermi eqqortumik piffissalersuinermik qulakkeerinnissutitut. Tamanna aamma pingaaruteqaqaaq missingersuutit ingerlaavartumik malitseqartinneranni taamatullu ukiumoortumik naatsorsuutinik eqqortunik takutitsinissamat.

Ukiup ingerlanerani immikkoortumi suleriaaseq pitsanngorsaavigineqarpoq, ukiulli ingerlanerani kukkunersiunitta ukiullu naanerani sulianik ingerlatsinerup ersersippaat, naligiissaarinerinik kissaatigineqartunik suli ingerlatsinerunissaq pisariaqartoq kiisalu naligiissaarinerinik ingerlatsinerinik inissitsikkat ammasut suli amerlavallaartut, taamaattumik akiligassaqarfigisat illugiillutik pissaqaqatigiinnerat pillugit naligiissaarinerinik ingerlatsinerunissaq pisariaqarpoq.

Aamma paasivarput assersuutissaqartoq aningaaserivinni kontot naligiissaarinerinik ingerlatsiffigineqanngitsut aamma/imaluunniit inissitsikkat ammasut suliarineqarnerannik ingerlatsisoqarsimangitsaq.

Innersuussutigissavarput akiligassaqarfigisat aamma aningaaserivimmi uninngasut naligissaarneqarnerannik suliaq – aamma immaqqa pissaqaqatigiissutinik ammasuusinnaasunik qulaajaaneq – siunissami suli ilungersuunneqarneroqqullugit, taamaaliornikkut pisiniartarfinnut pingaarnernut qulinut qaammatikkuutaartumik naligiissaarinerinik ingerlatsisoqartarluni aamma naligiissaarinerit nakkutilliffigineqarnerannik ingerlatsisoqartaqqullugu.

Pisortatut oqartussaaffeqartunut allanut (kommunit) aamma immikkoortunut Namminersorlutik Oqartussanit nakkutilliffigineqartunut (suliffeqarfiit ingerlatsiviillu namminersortitat) akiitsunik naligiissaarinerinik suliaq pingaartumik pitsanngorsaarneqartariaqarpoq, immikoortoq 2.3.6. innersuussutigalugu.

## 2.3. Kukkunersiuisut siusinnerusukkut oqaaseqaataannik malittarinnineq

Kukkunersiuisut siunersinnerusukkut oqaaseqaataannik malittarinnippugut aamma uagut Kukkunersiuisutut oqaaseqaatitsinnut ulloq 3. juni 2021-meersumut Naalakkersuisut oqaasertaliussat misissorpavut, soorluttaaq 2020-mi Nunap Karsiata naatsorsuutaasa Inatsisartunit akuerineqarnissaanut Kukkunersiuiernermit Ataatsimiititaliap isumaliutissiissutaa misissoripput.

Nr.	Kukkunersiuiernermit oqaaseqaat	Pineqartoq	Killiffik
2013-04	Nammineq nakkutilliinermit atatillugu akissarsiat tamakkiisut allattorsimaffiinik suliaqartarnerup pingaarutaanik erseqqissaanissaq	2.3.1	Ammavoq
2013-07	Attartortitsinermit immikkoortut ukiup ingerlanerani ingerlaavartumik malittarineqarnerat aamma naligiissarneqarnerat	2.3.2	Matuvoq
2013-08	Pisiniartarfinnut akiitsut naligiissarneqarnerannik sulinerup pitsanngorsaqqinneqarnerat pisariaqarpoq nioqutissat aamma kiffartuussinerit pisiat nalunaarsorneqarnerisa eqqoqqissaarnissaat qulakkeerumallugu	2.3.3	Matuvoq
2016-04	Akiligassaqarfinnut aamma aningaaserivinni inissitsikkat ammasut nikinganerannut aalajangiineq amigaa-taasoq	2.3.4	Matuvoq
2017-02	XAL-imi attartortitsinermit aaqquissuussami ernialersuineq, akiliutissanik akilleqqusissut il.il. amigaataasut.	2.3.5.	Ammavoq

2020-01	Pisortatut aqqissuussanut allanut pissaqatigiissutit nalogissaarneqarnerat	2.3.6	Ammavoq
---------	----------------------------------------------------------------------------	-------	---------

Immikkoortut nalunaarsukkamit peerneqartarput aaqqiiffigineqartutut nalilernerqarnermik kingorna ukioq qaangiukkaangat.

### **2.3.1. Nammineq nakkutilliinermut atatillugu akissarsiat tamakkiisut allattorsimaffiinik suliaqartarnerup pingaarutaanik erseqqissaaneq (2013-4)**

2013-imi kukkunersuineramik nalunaarusiami qupperneq 955-imi imatut allappugut:

*” Tassunga atatillugu immikkoortunut avataaniittunut pulaarnitsinni akissarsiat tamakkiisut allattorsimaffiannik nakkutilliineq pissusissamisut ingerlanersoq misissuiffigaarput. Tamaaliorneq nakkutilliineruvoq pingaarutilik, qulakkeerniarlugu akissarsianik kukkusunik tunniussisoqartannginnissaa. Akissarsiat tamakkiisut allattorsimaffiannik misissuisarneq assigiinngisitaartumik peqqissaaruneqartarpoq inassutigissavarpullu nakkutilliinerup pingaaruteqarnerata immikkoortunit ataasiakkaanit malinneqarnissaata sukateriffigineqartariaqarnera.”*

Ukioq manna kukkunersuinitinni paasivarput pissutsit ukiunut siuliunut naleqqiullugit annermik allannguuteqarfiusimanngitsut, taamaattoq naalakkersuisoqarfinni anginerusuni akissarsiat tamakkiisut allattorsimaffiinik nakkutilliinermi pitsanngoriaateqarsimasoq paasinarpoq

Ilisimatitsissutigineqarpoq 2021-mi oktober/novemberimi akissarsiat tamakkiisut allattorsimaffiisut nassiussat akuerineqarnerannik nakkutilliiffigineqarnerannillu aqqissuussamik nutaamik atugaqartoqalersimavoq. Paasitineqarneq naapertorlugu ukiumi naatsorsuuseriffiusumi aqqissuussaqaq tamakkiisumik atuutsinneqalersimanngilaq, taamaattumik ukiut siuliini kukkunersuuisut oqaaseqaataat sulii attarparput.

Akissarsiat tamakkiisut allattorsimaffiinik nakkutilliineq 2022-mi malittarissavarput.

Ukiut siuliini kukkunersuuisutut oqaaseqaaterput sulii attarparput.

### **2.3.2. Ukiup ingerlanerani taarsigassarsisitsinernik malinnaatitsilluni suliaqartarneq kiisalu naligiissarineq (2013-7)**

2013-imi kukkunersuinermit nalunaarusiami qupperneq 959-imi imatut allappugut:

*”Taarsigassarsisitsinermut tunngasunik naatsorsuisimaneq misissuiffigaarput taakkualu nalingi Namminersorlutik Oqartussat naatsorsuuserinermut tunngavissai malillugit suliaanersut misissorlutigit. Tamatuma saniatigut misiligummik tigussilluta taarsigassarsisitsinermi uppernarsaataasut misissorpagut.*

*Namminersorlutik Oqartussat Aningaasanut Inatsisimmi konto 89.72.12 oqaaseqaatit malillugu erniaqanngitsunik ilanngaataasussaannngitsunillu taarsigassarsisitsinnaavoq – pingaartumik – Illuut A/S-imut. Tamannali aatsaat aalajangersarneqavittarpoq akiitsoqarnermik uppernarsaat suliarineqaraangat, tassani takuneqarsinnaasussaammat taarsigassarsiat erniaqanngitsumik ilanngaataasussaannngitsumillu tunniunneqassappata piumasaqaatit naammassineqarsimanerat.*

*Namminersorlutik Oqartussat naatsorsuuserinermut tunngavissai malillugit taarsigassarsiat taamaattut 0 kr.-nik naliligaapput. Suliani pineqartuni malinnaatitsilluni sulineq, tassa taarsigassarsiat erniaqaratillu ilanngaataasussaannngitsuunersut imaluunniit akerlianik aalajangersaasoqarsimanersoq pillugu ukiup ingerlanerani naammaginartumik malinnaatitsineq suliarineqartarsimanngilaq tamatumalu kingunerisaanik ukiumoortumik naatsorsuutininik suliaqarnermut atasumik taarsigassarsianik misissuisoqarnerata kingorna nalilersuilluni iluarsisissuteqarnerit annertoorujussuit pisimallutik.*

*Inassutigissavarput ukiup ingerlanerani iluarsiissutit qanimut malinaatitsilluni suliarineqartarnissaat taamaalilluni siunissami naatsorsuutiniq suliaqarnermut atatillugu iluarsiissutiniq suliaqartarnissaq pinngitsoortinneqartaqqullugu.”*

Paasivarput XAL-imi taarsigassarsisitsinermi immikkoortup kiisalu Prisme-mi aningaasaqarnermut kontop akornanni kvartalikkaartumik naligiissaarinermik ingerlaavartumik ingerlatsisoqartartoq. Ulloq 30.09.2021 aamma ulloq 31.12.2021 naligiissitsinerit nakkutilliiffigaavut nalilerumallugu, naligiissitsinerit naapertuuttumik aamma naammattumik pitsaassuseqartumik ingerlanneqarsimanerat. Pissutsit taamaattut naliliivugut.

Taamaattumik immikkoortoq matuneqarsimasoq naliliivugut.

### **2.3.3. Pisiortorfinnut akiitsut naligiissaarnerannik ataavartumik suliaqartarnerup nukittorsarneqarnerunissaa (2013-8)**

2013-imi kukkunersuinermit nalunaarusiami qupperneq 963-imi imatut allappugut:

*”Ukiuortumik naatsorsuutit suliarineqarnerannut atatillugu paasivarput suliassat ataasiakkaat suli ammasut, pisiortorfiup kontoani akiligassaq ulloq 31. december takuneqarsinnaasoq, akiligassarli taanna Namminersorlutik Oqartussat naatsorsuutaani naatsorsuuserinermi suli ilanngunneqarsimanani.*

*Pasitsaanneqarsinnaavoq akiligassat eqqortumik piffissalersugaasimanninneri – tamanna pisutaalluni ukiuortumik naatsorsuutini saqqummiunneqartussani akiligassat amigaataapput. Nalilinerpulli naapertorlugu tamanna ukiuortumik naatsorsuutit tamakkiisut eqqortumik takutitsinerannut sunniuteqartussaangilaq.*

*Inassutigissavarput akiligassaqarfiganut naligiissaarinermik suliaqartoqassasoq – taamalu akilerallagaasinnaasut suli ammasut paasiniarneqarlutik – siunissamilu taakkuninnga iluarsaassineq sukanernerusumik ingerlanneqalissasoq.”*

Pissutsit ataani immikkoortumut 2.3.4, akiligassaqarfiit- aamma aningaaserivimmiittuutit naligiissaarneranni inissitsikkat ammasut aalajangiiffiqarneranni amigaatinut tunngassuteqarnerat pissutigalugu, immikkoortoq matuneqassasoq toqqarparput, immikkoortoq qulaani 2.2.2 innersuussutigalugu oqaaseqaammik ataatsimoortumik allassalluta aalajangiullugu.

### **2.3.4. Akiligassaqarfiit- aamma aningaaserivimmiittuutit naligiissaarneranni inissitsikkat ammasut aalajangiiffiqarneranni amigaatit (2016-04)**

2016-imi kukkunersuisut oqaaseqaataanni qupperneq 1155 ima saqqummiussivugut:

*”Qitiusumik allaffeqarfimmi aningaaserivimmiittuutiniq aamma akiligassaqarfinnik naligiissaarinermi kukkunersuinermik ingerlatsinerimut atatillugu paasivarput, inissitsikkat pisoqqat ammasut arlallit suli aalajangiiffiqarnerannigutsut.*

*Uagut paasinnittaaserput naapertorlugu aallaaviuvoq, inissitsikkat taamaattut ingerlaavartumik qulaarneqartarnissaat immikkoortut ataasiakkaat namminneq akisussaaffigigaat, taamannalli pisoqartanngilaq, aamma qitiusumit taakkua aaqqiissuteqarfigeqqullugit iliuuseqartoqartanngilaq.”*

Ukiup ingerlanerani tamanna suliarineqarpoq kisianni paasivarput suli assersuutissaqartoq aningaaserivimmi kontonik naligiissitsinerimik aamma/imaluunniit inissitsikkanik ammasunik malittarinninnermik ingerlatsisoqarsimanninneranut.

Pissutsit annermik akiligassaqarfinnut inissitsikkat ammasut pillugit aalajangiinerimut amigaataasumut tunngassuteqarnerat pissutigalugu, immikkoortoq matuneqassasoq



aalajangiupparput akiligassaqarfinnut aamma aningaaserivimmiittuutit naligiissaarnerannut oqaaseqaammik ataatsimoortumik allassalluta aalajangiullugu, qulaani immikkoortoq 2.2.2 takuuk.

### **2.3.5. Ernialersuinermi aamma akilersuutinik akileeqqusissutinik ingerlatsinermi amigaataasut (2017-02)**

Boligstøttemik taarsigassarsiat ilaat ukiuni 10-20 ernialersugaanngillat akilersuugassaanatillu. Taarsigassarsiat tamakkua ilaannut piffissaq ernialersuiffiunngitsaq akilersugassanillu imaqaanngitsaq maanna qaangiukkirtulerpoq.

Taarsigassarsianut suliaqarfik XAL, taarsigassarsianik tamakkuninnga allaffissornermi ator-neqartoq, ernialersuinermit akilersuutinillu akileeqqusissutinik suliaqarnissamut aaqqissu-ussaannngilaq.

Innersuussutigissavarput, ajornartorsiut taanna aaqqiiviginiarlugu aaqqiissutissamik naapertuut-tumik nassaarniarnermik suliniartoqaqqullugu, taarsigassarsiat erniaqaanngitsut- akilersugassaanngitsullu piffissarititaasa qaangiutinnginneranni ima amerlatigileqqunagit assaannarmik allaffissor-nermik ingerlatsiffiqarnissaat naapertuunnaviannngimmat.

Ilisimavarput taarsigassarsisitsinermi aaqqiissummik nutaamik nassaarniarnermik suliamik aallar-titsisoqarsimasoq. Innersuussutigissavarput suliaq taanna pingaartinneqaqqullugu taarsigassarsi-sitsinermi atortoq pisoqalisooq ukiualuit qaangiuppata atorunnaarsikkiartuaarneqartussaammat.

Taamaattumik immikkoortoq sulii ammasutut isigaarput.

### **2.3.6. Pisortat suliffeqarfiutaannik allanik pissaqaqatigiissutit naligiissaarneqarnerat (2020-01)**

Naatsorsuutit eqqortumik takutitsinissaannut pingaaruteqarpoq isertitat aningaasartuutillu piffissa-mut eqqortumut naatsorsuutinut ilanngutsinneqartarnerat. Tassannga qularnaarinninnermi pingaar-uteqartoq tassaavoq pissat aamma akiitsut illuatungerisat nalunaarsugaannut naligiissaarneqartarne-rat – ingerlaavartumik aamma ukiumik naammassinninnermut atasumik.

Namminersorlutik Oqartussat kommunillu, suliffeqarfiit nammineertitat aamma ingerlatsivinnik tamakkiisumik imminnut pigisut arlallit akorniminni pissaqaqatigiissuteqarput.

Taamaattumik Namminersorlutik Oqartussat aamma pingaarnertut atuuffeqarpoq, pisortat suliaqarfiutaasa aamma ingerlatsiviit tamakkiisumik imminnut pigisut akornanni ataqaqatigiissuqarneranik tassannga qularnaarinninnissamut.

Malugaarput tassunga tunngasumik suliaqartoqartoq, kisianni 2021-mi ukiup naammassineranut atasumik pissaqaqatigiissutit naligiissaarneqarnerannik sulii amigaateqartoq paasivarput.

Kontomut pilersaarut nutaakkut anguniagaavoq, pisortat suliaqarfiat akimorlugu aningaasaqar-nermik naatsorsuutinut tunngavissaq pitsaanerusooq pilersinneqassasoq.

Taamaattumik aalajangiisuulluinnarpoq immikkoortortat akimorlugit isertitat aningaasartuutillu naats-orsuutinut ilanngunneqarneranni assigiissoqartarnera – aamma kontonut inissitsiterineq nalunaaru-siornerillu aqutugalugit "suliffeqarfiup iluani" aningaasartuutit aamma isertitat naligiissaarneqarnis-saannut tunngavissamik pilersitsineq, Namminersorlutik Oqartussat, kommunit, suliffeqarfiit nammineertitat aamma ingerlatsiviit Namminersorlutik Oqartussanit pigineqartut akimorlugit pissat akiitsullu naligiissaarneqarsinnaanerat.

Taamaattumik innersuussutigissavarput ingerlatseriaatsinik pilersitsisoqaqqullugu siunissaq eqqarsaatigalugu suliassamik tassannga ingerlaavartumik suliarinninnermik qulakkeerinnissutaassamik.

## **2.4. 2020-mi naatsorsuutitut tunngatillugu Kuk-kunersiuinermut Ataatsimiititaliap isumaliutissiissutaanik malitseqartitsineq**

2020-mi Nunap Karsiata naatsorsuutai pillugit kukkunersiuusutut oqaaseqaatitsinnut Naalakkersuisut akissuteqaataat Kukkunersiuinermut Ataatsimiititaliamit pissarsiariniarneqarsimapput.

Akissutit pissarsiarineqarsimasut misissorpagut misissorlutigutaaq Kukkunersiuinermut Ataatsimiititaliap 2020-mi Nunap Karsiata naatsorsuutai pillugit isumaliutissiissutai.

Suliniutaasussat arlaqartut Naalakkersuisut akissuteqaataanni taaneqartut tamakkiisumik atuutisneqalersimanersut taamatullu taakku kissaatigineqartutut kinguneqarsimanersut naliliiffiginissaannut suli siusippallaarpoq.

Immikkoortumi ukiut siuliini kukkunersiuinermi oqaaseqaatit malittarineqarlutik suliarineqarsimane-rinut tunngasuni, immikkoortut arlaqartut siornatigut eqqaaneqartut suli ammaannarput tamatumalu ilaatigut ersersippaa suliniutissamik aalajangiinermi tassuma sunniutissarpiaanun piffissaq pisari-aqartinneqartartoq.

2022-mi ukiumoortumik naatsorsuutitik suliaqarnissatsinnut atatillugu malinnaatitsilluta suliarissa-varput pissutsit uparuarneqarsimasut iliuuseqarfigineqarsimanagerat – taakkualu qanoq kinguneqarsi-manerat.

# 3. Aningaasaqarnermik kukkuner- nersiueq

**Aningaasaqarnermik kukkuner-  
siuiner-  
mi pineqarput Namminersorlutik  
Oqartussat ukiumoortumik naatsorsuutaat sutigut tamatigut  
eqqortuunerannik nakkutilliineq, tassa kukkunernik aamma amigaatinik  
pingaarutilinnik imaqaratik Kommunit aamma Namminersorlutik Oqartussat  
missingersuutaat naatsorsuutaallu pillugit Inatsisartut inatsisaat nr. 26, 28  
november 2016-imeersoq kingorna allannguutitalik il.il. naapertorlugu  
suliarineqarsimasut.**

## 3.1. Aallaqqaasiut

Kukkuner-  
siueq ingerlanneqarpoq nunatsinni kukkuner-  
siuisoqarneq pillugu inatsit kiisalu nunani  
tamalaani aningaasaqarnermik kukkuner-  
siuiner-  
mi malitassat naapertorlugit.

Aaqqissuussap ukiumoortumik naatsorsuutai suliarineqarput Kommunit aamma Namminersorlutik Oqartussat missingersuutaat naatsorsuutaallu pillugit Inatsisartut inatsisaat nr. 26, 28. november 2016-imeersoq kingorna allannguutitalik il.il. naapertorlugu.

## 3.2. Nammineq nakkutilliineq

Kukkuner-  
siuiner-  
mi ilanngunneqarput Namminersorlutik Oqartussat nalunaarutiginninnermik aaqqis-  
suussai, suleriaatsit atugai aamma nammineq nakkutilliinerup illersorneqarsinnaasumik atuuf-  
feqarnerannik naliliinerit.

Tassunga siunertaavoq naatsorsuutini saqqummiussiner-  
mut tunngavissat naatsorsuuseriner-  
mi eqqortumik nalunaarsorneqarsimanerannik, up-  
pernassuseqarnerannik piffissarlu eqqorlugu suliar-  
ineqarsimanerisa nakkutilliiffiqarnerat.

Namminersorlutik Oqartussani suleriaatsit taamatullu nammineq nakkutilliinerit sukumiinerusut nu-  
ussinernut aamma naatsorsuutini inissitsikkanut immikkut pingaarutilinnut ator-  
neqartut aamma nali-  
liiffigaavut.

## 3.3. Aqutsisut nakkutilliinernik tunulliu- ssinerannut aarleriaat

Aqutsisut nakkutilliinernik tunulliu-  
ssinerat kukkuner-  
siuisut najoqqutaat 240 naapertorlugu tamatigut  
aarlerinaataavoq pingaarutilik.

Kukkunersiuisutut iliuutsinik ingerlatsivugut aqutsisut nakkutilliinernik tunulliussisinnaanerannut ersiutaasinnaasut suussusersiniarlugit. Immikkoortumi matumani iliuuserisat aamma suliaasaqarfiit pingaartillugit misissorsimasavut allaaseraavut.

Aqutsisut nalinginnaasumik ima atorfeqartinneqartarput taakkununga peqquserluutinik ingerlatsisinnaaneq periarfissaalluni, aqutsisut naatsorsuutitut atortussanik uukapaatitsisinnaagamik nakkutilliinernik tunulliussinikkut, taakkuninnga pitsaasumik ingerlasorinaraluartunik.

Aqutsisoqatigiinnik allanilla tamanna pillugu oqaluuserinnippugut. Naatsorsuutitik naliliinerni missiliuussinernilu kiffaanggissuseqarnerup amigaataasinnaanera eqqarsaatersuutigaarput, ilanngullugu naatsorsuutitik missiliuussinernik pingaarutilinnik misissuivugut.

Ukiumoortumik naatsorsuutit naammassineqarnerannut- aamma nalunaarutiginninnermut periutsit nammineq nakkutilliiffiqeqarnerat naliliiffigaavut. Taakkua saniatigut inissitsikkat aamma nuussinerit annertuut nalinginnaangitsut misilerarpavut.

Aarlerinaatinik naaperiaaniarluta ullup oqimaaqatigiissitsiffiup aamma naatsorsuutit naammassinneqarfissaasa nalaanni inissitsikkat misilinneqarnerannik ingerlatsivugut, misilittakkanit ilisimagat-sigu, nakkutilliinernik tunulliussisoqarnissaanut aarlerinaatit piffissami tassani ilimanaateqarnerusartut.

Nuussinernik annertuunik nalinginnaangitsunik paasisaqangilagut.

Aqutsisut nakkutilliinernik tunulliussinerannit ukiumoortumik naatsorsuutini kukkunernik amigaa-tinilla suussusersisaqangilagut.

### **3.3.1. Peqquserluttoqarsinnaaneranut aarlerinaatit**

Uagut kukkunersiuinitsinnik pilersaarusiornermut atasumik Namminersorlutik Oqartussani aqutsis-unut apeqqutigaarput, taakkua peqquserluttoqarsinnaaneranut aarlerinaatit pillugit naliliinerat.

Aqutsisut uagutsinnut ilisimatitsipput, aqutsisut naliliinerat naapertorlugu peqquserluuteqarnissamut aarlerinaatit annertuallaangitsut, aamma Namminersorlutik Oqartussani nakkutilliinermik suliasaqarfik pitsaasuusoq, ukiumoortumik naatsorsuutini annertuumik kukkusumik paasisutissiinnissamut aarlerinaammik qulaarsinnaallutik, tassunga ilanngullugit naatsorsuutini uukapaatitsinerup imaluunniit suliffeqarfiup pigisaanik atorerluinerup kinguneranik paasisutissanik kukkusunik qulaarsinnaasut.

Aqutsisut peqquserluutinik ilisimasaqangillat imaluunniit peqquserluttoqarsimasinnaanera pillugu misissuinerinik ingerlasoqarneranik ilisimasaqangillat.

Oqaatigissavarput, kukkunersiuinitta nalaani peqquserluttoqarsimanera pissutigalugu ukiumoortumik naatsorsuutini kukkunernik naammattuugaqanginnatta.

### **3.3.2. Nammineq nakkutilliinermik naliliineq**

Naliliinerput naapertorlugu Namminersorlutik Oqartussani nammineq nakkutilliineq nammineerluni nakkutilliinernik pitsaasunik ingerlatsineranut iluaqqutaasoq aamma paasisutissanik naatsorsuuserinerimut tunngassuteqartunik passussinermik uppernassusilimmik ingerlatsisinnaanerimut pigisaqarpoq.

### 3.4. IT-mik atuineq aamma IT-mik isumannaal-lisaaneq nalinginnaasoq

IT-mik nakkutilliinerit nalinginnaasut tassaapput nakkutilliissutit aqutsisunit pilersinneqarsimasut suliffeqarfimmi it atorlugu sulianik ingerlatsivinni pingaarnerusuni atorneqartut, it-mik atugaqarneq pitsaasumik nakkutigineqartoq isumannaatsorlu siunertaasinnaaqullugu, aamma taamaattumik suleriaatsit it-mik tunngaveqartut paasissutissartaasa uppersassuseqarnerannut tapertaasut.

Namminersorlutik Oqartussat kukkunersiorneqarnerannut atasumik it-mik nakkutilliissutit nalinginnaasut toqqakkat ilusilersorneqarnerat aamma atuutsinneqarnerat naliliiffigaarput, taakkua ukiumoortumik nalunaarummik saqqummiussinermut naapertuuttut nalilikkavut, kukkunernik pingaarutilinnik eqqortumilli aamma inatsisitigut piumasaqaataasut naapertorlugit saqqummiussinissamat naammassinnittut. Nakkutilliissutit nakkutilliinermik ingerlatsinerisa pitsaassusiat misilerangilarput.

Kukkunersiuinerup ataatsimoortup ilaatigut tunngavigisarpaa aqqissuussami nammineq nakkutilliinerit naapertuuttut atugaasut, ilanngullugit assaannarmik nakkutilliinerit aamma atuisunut aqutsisutit suliffeqarfimmi atorneqartut nammineq isumagisumik nakkutilliinerisa nakkutilliiffiqequeqarnerat. IT-mik nakkutilliissutit nalinginnaasut misissorneqarneranni atuisunut aqqissuussani ataasiakkaani nakkutilliinerup- aamma isumannaallisaanerup pitsaassusiat nalilerneqanngillat, tassunga ilanngullugit allaffissornermik ingerlatsinermi ingerlatsieriaatsini aamma atuisunut aqqissuussani ingerlatsinermik sulianik suliaqarsinnaanermut isissutinik nammineq isumagisumik nakkutilliissutit. Aammattaaq oqaatigineqassaaq nakkutilliissutit pitsaassusiannik uppersaanissamik siunertaqarluni kukkunersiuinermik ingerlatsisoqanngimmat.

Kukkunersiuinermut atasumik aqqissuussap it-mik atuineranut ilisimasavut nutarsarsimavagut, it-mik nakkutilliinermik suliaqarfimmik nalinginnaasumik naliliisinnaajumalluta aamma ukiumoortumik naatsorsuutit kukkunernik pingaarutilinnik imaqarsinnaanerannut aarlerinaatit nalilersinnaajumallugit. Taamaattumik it-mik nakkutilliissutit toqqakkat ilusinersorneqarnerat atuutsinneqarnerallu nakkutilliiffigaavut.

Systemit aqqissuussat pingaarnert makkuupput:

- PRISME (finansbøgføring/aningaasaqarnermik naatsorsuuserineq)
- IRIS (fakturahåndtering/akiligassanik passussineq)
- MR-løn (lønadministration/akissarsianik allaffissorneq)
- E-skat (skatteadministration/akileraarutinik allaffissorneq)
- XAL (finansbøgføring/aningaasaqarnermik naatsorsuuserineq)

It-mik nakkutilliissutinik nalinginnaasunik kukkunersiuinerput tunuliaqutaralugu - Namminersorlutik Oqartussat ukiumoortumik nalunaarutaanik kukkunersiuinermut tapertaasussatut pingaaruteqartutut nalilikkatsinni, suliaqarfimmi malunnaatilimmik pitsanngorsaataasat makkuua naammattoorpavut:

- Innersuussutigaarput, Namminersorlutik Oqartussani it-mik atuineri aarlerinaataasinnaasunik misissuinermik tamakkiisumik aqutsisuniillu akuerisaasumik ingerlatsisoqaqullugu, aqutsisunit Naalakkersuisunut isumannaallisaanertut kissaatigineqartoq tunngavigalugu

- Innersuussutigaarput, atuisunut allaffissornermik ingerlatsinermi malittarisassanik pi-umasagaatitalinnik Naalakkersuisut suliaqaqqullugit, aaqqissuussanut aamma it-mik ingerlatsif-  
fintut tamanut atuuttumik. Malittarisassat imannak imaqartariaqarput:
  - Atuisunik pilersitsineq aamma pisinnaatitaaffinnik tunniussineq.
  - Piffissakkuutaartumik isissutinik aamma pisinnaatitsissutinik naliliineq (minnerpaamik ukiumoortumik), ilanngullugit suliamik immikkoortitsisinnaanermik toqqissisimanartumik pilersitsisoqarnerata eqqarsaatigineqarnera.
  - Atuisut suliffimmi soraarneranni atorunnaarsinneqarnerat.

Taassuma ilassutaatut innersuussutigaarput Namminersorlutik Oqartussani suliaqaqarfinni tamani peruitsimik atuinerup pigiliunneqarnissaanut Naalakkersuisut qularnaarinnissasut, taassuma qaqugukkulluunniit malinneqarnissaanik qulakkeerinninnissaq siunertaralugu aamma atuisunik pilersitsinerit, atuisunik atorunnaarsitsinerit piffissakkuutaartumillu pisinnaatitsissutinik nalileeqqittarnerit aamma suliamik immikkoortitsisinnaanerit pisortatigoortumik uppernarsarneqartarnerat atugaaleqqullugit.

- Innersuussutigaarput, MRLøn-imi atuisut ataatsimoortut pilersinneqarsimasut atorunnaartin-  
neqassasut paarlattuannik inunnut ataasiakkaanut atuisutut innersuunneqarsinnaasut pilersin-  
neqaqqullugit.
- Innersuussutigaarput ineriartortitsinermik suliaqartut toqqaannartumik aamma tamakkiisumik  
pilersitsinermik suliaqaqarfinnut, MRLøn aamma eSkat pisinnaatitsissuteqannginnissaat.  
Tamanna piviusunngortinneqarsinnaanngippat innersuussutigaarput ineriartortitsinermik sul-  
iaqartut pilersuinermik suliaqaqarfinni iliuuserisaasa nakkutilliffigineqarnerannik pilersitsiso-  
qaqqullugu (ass. pilersuinermik suliaqaqarfinnut isernerit nakkutigineqarnerat, aamma iserne-  
rit piffissakkuutaartumik, malittarineqarlutik pisortatigoortumillu nakkutigineqarnerannik pilersits-  
isoqaqqullugu).

Innersuussutigaarput Namminersorlutik Oqartussat MRLøn, IRIS, XAL aamma PRISME-mut tunngasumik misissuinermik ingerlatseqqullugit, aaqqissuussap inissitsiterneqarnera applikationini aamma applikationit akimorlugit atuuffimmik immikkoortitsisinnaaneranun toqqissisimanartumik pilersitsisoqarsinnaanerannik piareersaasoqarsinnaaqqullugu. Misissuineq taanna uteqqinneqartariaqarpoq applikationini allannguutinin saqqummiussisoqartillugu inissitsikkat atuuffiisa/piginnaasaasa allanngornerannik nassataqartillugit.

Aammattaaq innersuussutigaarput qulaani misissuineq taasarpit aallaavigalugu atuuffiit/pisin-  
naatitsissutit suut imminnut akuleriinersut nalunaarsorneqaqqullugit, taakkua sulianik immik-  
koortitsisinnaannginnerat pillugit suleqatigiinnerminni atuuffiisa imminnut assortuunnerannik nassa-  
tallit, aamma taamaattumik pisinnaatitsissummik tunineqartariaqanngitsut, tassunga immikkut aku-  
ersissummik tunniussisoqarsimanngippat aamma tapertatut nakkutilliiinernik pilersitsinissaq ilitser-  
ussutigineqassaaq (ass isissutit aamma taakkua misissorneqarnerat).

Paasivarput MRLøn-imik, IRIS, XAL aamma PRISME-mik atuisut aamma atuisut isersinnaassusiat aaqqissuusaasumik piffissakkuutaartumik nalilersorneqaqqinnerannik ingerlatsisoqartanngitsoq. Paasissutissiisoqarpoq, atuisut piffissakkuutaartumik nakkutilliffigineqartartut. Taamaattoq piffissak-  
kuutaartumik pisinnaatitsissutinik tunniussimasanik nakkutillisoqartanngilaq.

Ilanngullugu paasivarput, MRLøn-imi sulisut namminerisamik isissutaat pillugit malittarisassat atuut-  
sinneqartut inuit namminneq isissutaat pillugit politikkimut atuuttumut naapertuutinnngitsut, aamma XAL pillugu isissutinut immikkut piumasaqaatinik inissiisoqarsimanngitsoq.

Innersuussutigaarput pissutsit taakkua naleqqussarneqaqqullugit isissutit pillugit malittarisassat atuutsinneqarlutik aamma inuit namminneq isissutaat pillugit politikki malinneqaqqullugu.

MRLøn pillugu paasivarpur, uagut misissugassanik tiguisarluta nakkutilliinitsivut periarfissaqanngitsoq uppersarsassallugu, atuutsinneqalernera sioqqullugu allannguneq naammattumik misilerarneqarsimanersoq akuerineqarlunilu.

Allanngunerit misilerarneqarnissaannut atasumik misileraanissatut pilersaarutit- aamma ingerlatsinerit amigartumik imaluunniit naammangitsumik atornerat aamma akuerineqarnerat aarlerinaatitaqarput, misileraanerit ingerlanneqartut pitsaassusiannut aamma amerlassusiannut, aamma taakkunanga angusat naatsorsusuutigisanut naapertuutinninnerat taamaattumillu atulersitsinermi aaqqiissutissat kukkuneqarsinnaasarlutik.

Innersuussutigaarput atulersitsinermut atasumik allanngunerit tamarmik misilerarneqarnerannik aamma taakkua pitsaassusiisa uppersarsarneqarnerannik nassatallit tunniunneqartaqqullugit, taamatullu allanngortitsinernit uppersarsaatit tamakkiisumik pisaqqullugit.

## **3.5. Aningaasaqarnermik kukkuneriuinermi im-mikkoortut pingaarutillit**

### **3.5.1. Akileraarutit akitsuutillu**

Akileraarutinit akitsuutinillu isertitat Akileraartarnermut Aqutsisoqarfimmit ingerlanneqarput.

Aningaasaqarnermut systemip aamma E-akileraarutit akornanni nikinganersuisoqarsimanera misissuiffigaarput aammattaaq Akileraartarnermut Aqutsisoqarfiup 2021-mi akileraarutinit piffissalersuisimanerit nalunaarusiat Namminersorlutik Oqartussani naatsorsuuserinermut tunngavissat malilugit suliaasimanerat pissarsiarisimallugu.

Pissuserissaarnissaq eqqarsaatigalugu oqaatigineqassaaq kukkuneriuinermi akileraarusiineq immini ilanngunneqarsimanngimmat.

Akitsuutinut tunngatillugu misissorparput akitsuutinit akiligassiissutigineqarsimasut aalajangersimasumik akuttussusilersugaallutik ukiumoortumik naatsorsuusiorfiusumut isertitatut eqqortumik inisitsiterneqarsimanerat.

Namminersorlutik Oqartussat akileraarutinit assigiinngitsunut tamanut (inuit akileraarutaat, ingerlatseqatigiiffit akileraarutaat il.il.) akiliisitsiniaanermik ingerlatsisuuvoq. Kommunit pissaat ukiup ingerlanerani akiliutaagallartut atorlugit tunniunneqartarput aamma qaqugukkut akileraarutinit ingerlatsisoqarnera naatsorsuinerit inaarneqarnerannut apeqqaasarpoq.

Namminersorlutik Oqartussat pissaat isertitatut eqqortumik nalunaarsorneqarnissaat qulakkeerniarlugu, aamma naatsorsuutigisatut kommuninut naatsorsuiffiqatigiinnernik ingerlatsisoqarsinnaaqqullugu, nakkutilliiffigaarput akileraarutit akiligassiissutigineqartut katinnerannik naligiissitsisoqartaqqullugu, akileraarutit kommuninut agguataarneqarsimasut aamma Namminersorlutik Oqartussani isertitatut naatsorsuusiorfigineqarsimasut akornanni.

### **3.5.2. Akissarsiat pensionillu**

Akissarsianik akiliuteqarnermut atasumik immikkoortortanut ataasiakkaanut akissarsiat ilanngaatitaqanngitsut allattorsimaffiinik nakkutilliiffigineqartussanik nassiussisoqartarpoq, taakkununga ilanngullugit sulisunut soraarsimasunut akissarsiatut tunniunneqarsimasinnaasut.

Nakkutilliineq pingaarutilik taanna qulakkeerinnissutaassaaq akissarsianik kukkusunik tunniussisoqartannginnissaanut aamma/imaluunniit sulisunut soraarsimasunut kukkunikkut akissarsianik tunniussisoqarsimasinnaaneranut.

Immikkoortortat qaammatit tamaasa akissarsiat ilanngaatitaqanngitsut allattorsimaffiannik akuerineqartumik ASA-mut nassiussisussaapput.

Ilisimatitsissutigineqarpoq 2021-mi oktober/november akissarsiat ilanngaatitaqanngitsut allattorsimaffiannik akuerineqartunik nassiussinermi aamma nakkutilliinermi aaqquissuussaq nutaaq ator-neqalersimasoq. Paasissutissinneqarneq naapertorlugu ukioq naatsorsuuseriffiusoq aaqquissuussaq tamakkiisumik atuutsilersinneqarsimanngilaq, taamaattumik ukiut siuliini tassunga kukkunersuisutut oqaaseqaaterput attatiinnarparput.

2022-mi akissarsiat ilanngaatitaqanngitsut nakkutilliiffigineqarnerat malinnaaffigissavarput.

Ukiup naanerani suliamut atatillugu nakkutilliiffigaarput, aningaasaqarnernut aqutsissutip aamma akissarsialerineranut aqutsissutip kiisalu aningaasaqarnermut aqutsissutip aamma Akileraartarnermut Aqutsisoqarfimmut nalunaarusiortarnerup akornanni naligiissaarisooqartarnera.

2021-mi ukiumoortumik naatsorsuutit suliarinerannut atatillugu akissarsiat tamakkiisut akissarsialeriffik aqutugalugu tunniunneqarsimasut kiisalu akissarsiat Sulinal aqutugalugu Akileraartarnermut Aqutsisoqarfimmut nalunaarutigineqarsimasut akornanni naligiissaarisooqarpoq - aamma akissarsiat aningaasaqarnermut aqutsissummut naatsorsuuserinermi ilanngunneqarsimasut ukiumoortumik naatsorsuutitut ilaasut ilanngullugit.

Piffissami matumani nakkutilliineq ukiumoortumik ataasiarluni ingerlanneqartarpoq. Nakkutilliinerup pitsaassusia pitsanngorsarumallugu aamma naligiissaarinermik suliaq oqilisarumallugu, naligiissaarinermik suliaq qaammatikkuutaartumik ingerlanneqartariaqarpoq. Taamaaliornikkut kukkuniusinnaasut amigaatillu siusinnerusukkut paasineqartassapput – aamma naligiissaarinermik suliamik ingerlatsineq annerusumik sungiunneqassaaq.

### **3.5.3. Nioqqutissanik kiffartuussinernillu pisiat**

#### **3.5.3.1. Piffissalersuineq**

Ukiup naaneranut tunngatillugu nakkutilliivigaarput, aningaasartuutit ukiumi tassunga tunngasuteqarfimminnut nalunaarsorneqarsimanerat. 2021 aamma 2022-p akornanni piffissalersuinermi kukkunernik paasisaqartoqanngilaq.



### **3.5.4. Pisiniartarfinnut akiitsut aamma aningaaserivimmi uninngasut**

Avataani pisiniartarfinnik pissaqaqatigiissutit naligiissaarneqarnerat nakkutilliineruvoq pingaaruteqarlunnartoq nioqqutissat kiffartuussinerniillu pisiat eqqortumik piffissalorsorneqarnissaannut. Aamma taamaaliortarneq missingersuutininik ingerlaavartumik malittarinninnermut soorluttaaq ukiumoortumik naatsorsuutit eqqortuunerannut pingaaruteqaqaaq.

Ukiup ingerlanerani ingerlatsinerup pitsanngorsarneqarneranik suliaqartoqarpoq, taamaattoq ukiup ingerlanerani uagut kukkunersuunitsinnut soorluttaaq ukiumik naammassinninnermi suliap ersersippaa, naligiissarinernik naammattunik suliaqartoqartanngitsoq, kiisalu naligiissarinernit ingerlaneqartut inissitsikkanik ammasunik amerlavallaanik imaqartut, taamaattumik akiligassaqaqarfinnut pissaqaqatigiissutinik naligiissarinermik suliap nanginneqarnera suli pisariaqartinneqarpoq.

Aamma paasivarput assersuutissaqartoq aningaaserivimmi kontot ilaat naligiissaarneqarsimanngitsut aamma/imaluunniit inissitsikkat ammasut malittarineqarsimanngitsut.

Innersuussutigissavarput akiligassaqaqarfinnut aamma aningaaserivimmi uninngasut akornanni naligiissarinermik suliaqartoqaqqullugu – aamma pissaqaqatigiissutaasinnaasut ammasut qulaajarneqaqqullugit – siunissami sukateriffiqineqarlutik, taamaaliornikkut ingerlaavartumik pisiniartarfiit aniginerit akornanni naligiissarinermik ukkassisoqartaqqullugu, kiisalu naligiissarinernit nakkutilliiffiqineqarnerannik ingerlatsisoqartaleqqullugu.

Pingaartumik pisortatut oqartussaassusilinnut allanut (kommuninut) aamma immikkoortunut allanut Namminersorlutik Oqartussanit (suliffeqarfiit namminersortitat aamma ingerlatseqatigiiffiit) nakkutilliiffiqineqartunut akiitsut naligiissaarneqarnerat pitsanngorsaavigineqartariaqarput, takukkit immikkoortut 2.3.6 aamma 3.5.6.

### **3.5.5. Avataanit aningaasaliissutit**

Suliasaqaqarfinni arlalinni isertitat avataanit suleqatinit pissarsiarineqartarput. Isertitat taakkua siuneratanut aalajangersimasanut atorneqartussaapput. Tassaasinnaapput Aatsitassaqaqarnermik suliasaqaqarfinni oqartussaaffeqartutut sulianit isertitat aamma ilisimatusarnermik suliasaqaqarfinni suliniutit avataanit aningaasalorsorneqartut.

Isertitat aamma aningaasartuutit taakkua kontot inerneqareersut atorlugit ingerlanneqarput aamma taamaattumik immikkoortortat ingerlatsinermi kontoannut toqqaannartumik sunniuteqartaratik.

Taamaattumik kontoni taakkunani nikinnerit Namminersorlutik Oqartussat naatsorsuutaanni ersinngillat.

### **3.5.6. Namminersorlutik Oqartussat, suliffeqarfiit nammineertitat, Namminersorlutik Oqartussat ingerlatseqatigiiffiutaat kiisalu kommunit akornanni nuussinerit naligiissaarneqarnerat**

Kukkunersuinermit atatillugu Namminersorlutik Oqartussat, suliffeqarfiit nammineertitat, Namminersorlutik Oqartussat ingerlatseqatigiiffiutaat kiisalu kommunit akornanni nuussinerit aamma pissaqaqatigiissutit (pissaqaqatigiissutit, pissat aamma akiitsut) akornanni naligiissarinermik ingerlatsisoqarniaraluarpoq.

Naligiissaarinermi taamaattumi Namminersorlutik Oqartussat nammineq naatsorsuutaanik upper-narsaaneq aamma isertitat aningaasartuutillu piffissalersorneqarnerat pitsanngorsarneqassagaluarput.

Tassani naligiissaarinerit ataasiakkaat taamaallaat pissarsiarineqarsinnaasimapput.

Taamaattoq ajornakusoorpoq immikkoortup aappaani isertitatut nalunaarsorneqarsimasoq immikkoortup aappaani akiligassatut suliarineqarsimasumut assingusumut naligiissaarinermik ingerlatsifigineqarsimasumik nassaassalluni. Assingusumik ajornakusoorpoq immikkoortumi pissaqartup immikkoortup illuani akiitsulimmut naligiissarneqarnerannik nassaassalluni.

Assersuutigalugu, Nukissiorfinnit Namminersorlutik Oqartussanut sarfamut, imermut kiassarnermullu akiligassiissutaasa aamma Namminersorlutik Oqartussanut aningaasartuutaasumut inissitsikkani assingusumik naligiissaarinermik ingerlatsiffiusimasumik suliaqartoqarsimanngilaq. Tamanna aamma Tusass A/S-ip Namminersorlutik Oqartussanut akiligassiissutaanut atuuppoq.

Soorluttaaq Namminersorlutik Oqartussat kommunit aamma kommunit isertitaannut tapiissutitut utertissutaannut aningaasartuutaasunut atuuppoq.

Taakkununga unammillernartut taamaalillutik suli ersarinnerulersinneqarput pisortat ataatsimoor-tumik kontonut pilersaarutaanik atortuulersitsinermi.

Tamanna 2021-mi suliniarfigineqarpoq, kisianni ukiumik naammassinninnermut atasumik tassunga tunngasumik suli unammilligassaqarpoq. Taamaattumik uagut toqqarparput tassunga atasumik 2020-mi kukkunersiuisutut oqaaseqaatitut saqqummiussarput attatiinnassallugu.

### **3.6. Aqutsisut naatsorsuutininik uppernarsaaneq aamma ukiumoortumik naatsorsuutini kukkunerit iluarsineqanngitsut**

Kukkunersiuiineq pillugu nunani tamalaani malitassat naapertorlugit pissutsit ukiumoortumik naatsorsuutini iluarsineqarsimanngitsut suussusersisavut ilisimatitsissutigissavagut.

Ilisimatitsissut taanna tunniunneqassaaq qulakkeerumallugu aqutsisut tassunga tunngasumik ilisimatinneqarnerat.

2021-mi naatsorsuutininik saqqummiussinnermut atasumik pissutsinik pingaarutilinnik ukiumoortumik naatsorsuutini ilanngunneqarsimasariaqaraluartunik paasisaqanngilagut.

Suliassa qarfinnik kukkunersioruminaatsunik kukkunersiuiinnermut atasumik ukiumoortumik naatsorsuuseriffiusumut 2021 pisortaqatigiit naatsorsuutininik uppernarsaammik uagutsinnut tunniussipput.

### **3.7. Sillimmasersimanermit tunngasut**

Uagut kukkunersiuiinitsinni aaqqissuussap sillimmasersimaneranut tunngasut ilanngunneqanngillat. Innersuussutigissavarput, aaqqissuussamit minnerpaamik ukiumut ataasiarluni sillimmasersimanerup katinnera sillimmasiisarfik imaluunniit isumaqatigiinniartartoq peqatigalugu nakkutilliffigisaqullugu sillimaasiinerit il.il. naliliiffigisinnaajumallugit, tassunga ilanngullugu sillimmasiinerit naammattuunerat aamma suliassa qarfiit immikkut ittut pillugit aaqqissuussap sillimmasersimaner-migut amigaateqarsinnaanera nakkutilliffigisinnaaqullugu.

Naatsorsuutininik naammassinninnermut atasumik ulluinnarni aqutsisunit uppernarsaqqarput, aaqqissuussami pissutsit atuuttut eqqarsaatigalugit aaqqissuussap aserorneqarsinnaaneranut

matussusiinnaasutut missiliussineq naapertorlugu aaqqissuussamut sillimasiinerup pilersin-  
neqarsimanera.

# 4. Inatsisit atuutsinneqarnerannik kukkunersiuineq

## Inatsisit atuutsinneqarnerannik kukkunersiuinermi inatsit, malittarisassat aamma nalinginnaasumik ileqqut malinneqarnerat misilerarneqartarpoq.

Pisortat kukkunersiorneqartarneranni malittarisassat (SOR) naapertorlugit pisussaaffinnik kukkunersiuineq ingerlanneqarsinnaavoq kukkunersiorneqartussat kaaviiartumik pilersaarusiarineqarnerat naapertorlugu, taamaaliornikkut kukkunersiorneqartussatut pisussaaffittallit ukiut 5 qangiukkaangata misissorneqartarput.

Aarlerinaatinik aamma pingaarutilinnik naliliinerput tunngavigalugu kukkunersiorneqartartussatut kaaviiartussanut pilersaarummik tulliuuttumik suliaqarpugut

Sammisanut pilersaarutit	Misissorneqartarput	2021	2022	2023	2024
Neqeroortitsinermi malittarisassat aamma pisiniarnermi pisiniarnermi politikkit eqquutinneqarnerat*	2020	X	(X)	(X)	X
Akissarsiat- aamma atorfinitsinermi atugassanut malitassat*	2020	X	X	X	X
Tuniniaanermi malittarisassat tunngaviannik misissuineq*	2020	(X)	(X)	X	(X)
Oqartussaaffeqartut akiliisitsissutinut malittarisassaannik eqquutitsineq *	Pisariaqanngilaq				
Tapiissutinik agguassinermi malittarisassanut tunngavissamik eqquutsineq *	2020	X	X	X	X
Pisinnaatitaaffittut aalajangersakkat naapertorlugit nuussinerit *	Pisariaqanngilaq				
Aningaasaliinissamut malittarisassat, taarsigassarsianut malittarisassat il.il. eqquutsinneqarnerat	2020	X	X	X	X
Naalakkersuisunut ilaasortanut pissaqaqatigiissutit	2020	X	X	X	X

\* SOR naapertorlugu sammisanut pilersaarut. Iliuserisat sukumiissusiat ukiumit ukiumut allanngorartarput, tassunga ilisarnaataavoq (x).

Sammisaq ilanngussatut toqqarneqarpat (ungaluutitaqanngitsumik), pingaarutilit- aamma aarlerinaatilitut naliliinerit tunngavigalugit sammisamik toqqaasoqassaaq, taassuma ataani iliuuserineqarsimasut nakkutilliffigineqassapput.

## 4.1. Killiliussat

Ukiuortoortumik naatsorsuutinut atasumik inatsisit atuutsinneqarnerannik kukkunersiuinermi pingaarnertut aqqissuussat ingerlatseriaatsillu piusut misissorneqartarput.

Pineqartut misissugassanik ataasiakkaanik tiguisarluta nakkutilliffigaavut, ilaatigut paasiniarlugu sammineqartuni suleriaatsit kisianni aamma nakkutilliffigiumallugu suliani toqqakkani inatsisit malittarisassallu malinneqarsimanerat.

Inatsisinik malittarisassanillu eqquutitsineq pillugu uagut inerniliussarput sulianut misissorneqartunut taamaallaat tunngassuteqarpoq.

## 4.2. Nakkutilliinermik suliassaqarfik

Inatsisinik, malittarisassanik, isumaqatigiissutitut pilersinneqarsimasunik aamma ingerlatsinermi periutsit nalinginnaasut pillugit nakkutilliinermik suliassaqarfimmi ilaatigut pineqarput:

- inatsisit aamma malittarisassat il.il. sulinermi najoqqutatut atorpeqartut tamakkiisumik paasis-aqarfiginerat
- ingerlatsinermi kukkunernut amigaatinullu aarlerinaataasinnaasunut ilisimaarinnilluni isummer-simaneq
- inatsisit aamma malittarisassat il.il., eqquutsinneqarnerisa qulakkeerneqarnissaannut aqqissu-ussanik naapertuuttunik pilersitsisimaneq
- "qullersat nipaata" aamma aqqissuussatut aallartinneqarsimasut ingerlatsinermik suliap pitsa-assusianut naatsorsuutigisatut sunniuteqarnerannik malittarinneq

Inatsisit aamma malittarisassat il.il., eqquutsinneqarnerannik akisussaaneq naalackersuisoqarfinni ataasiakkaani inissisimavoq. Suliaq qitiusumik suliniutinit assersuutigalugu journalinut toqquarteri-nermi aqqissuussat aamma pikkorissarnertut suliniutit atorlugit tapersersorneqarpoq.

Pitsaassutsimik qulakkeerinneq sulissinermik ingerlatseriaatsini ataasiakkaani ilaatinneqarpoq, tunngaviusumik aalajangersagaavoq aalajangiinerni minnerpaamik inuit marluk akuutinneqartassa-sut. Aalajangiinerni pingaarutilinni katitigaasunilu naalackersuisoqarfimmi pisortaqaq ilaatinneqartar-poq.

Attuumassuteqartuunnginnissamut malittarisassat, allattuisussaataaneq il.il., pingaartinneqaqaat. Taamaakkaluartoq ingerlatsinermik itisiliilluta kukkunersiuiinermik ingerlatsisarnitta ersersippaat, sammisat taakkua pillugit pitsanngorsaaneermik suliniuteqarnerit pisariaqartinneqarsinnaasut.

Tassa sullissinerup pitsaassusianik uuttuutaasinnaasumik aqqissuussaasumik aamma aalajan-gersakkamik periuseqartoqanngilaq, tassunga ilanngullugit attuumassuteqartuunnginnissamut-aamma uppersaanissamut piumasaqaatinik eqquutsitsinermut (sulianut aqutsisutut nakkutilliine-rit) tunngasunik.

Oqaatigineqassaaq akileraartarnermik suliassaqarfimmi sulianik kukkunersiuiinermik inger-latsinnginnatta, Kalaallit Nunaanni inuit aamma suliffeqarfiit arlallit sinnerlugit suliqaartarnerput pis-sutigalugu attuumassuteqartuunnginnissamut akerliusussaaneera pissutigalugu.

### Innersuussut

Taamaattumik innersuussutigissavarput, inatsisit malittarisassallu eqquutinneqarnerannik sulia-mik pitsanngorsaasoqarnissaanut qitiusumit eqqarsaatersortoqaqqullugu. Assigiinngitsunik peri-useqarluni taamaaliortoqarsinnaavoq, tassunga ilanngullugu tulliatut pitsaassutsimik nakkutilli-ineq (sulianut aqutsisutut nakkutilliinerit). Taamaaliornikkut ilaatigut sullissinerup pitsaassusianik naliliinermut tunngaviusumik uppersaasatit pigineqalissapput, sulianik naammasinninnertut il.il., immikkut iliusissatut pisariaqartittanut soorlu ilinniaqqinnertut, aqqissuussanit taperser-sorteqarnissanut aamma aqqissuussinernit atorpeqarsinnaasunik.

## 4.3. Neqeroortitsinermi malittarisassat aamma pisiniarnermi pisiniartarnermi politikkit eqquutinneqarnerat

### Siunertaq

Neqeroortitsinermi malittarisassanik aamma pisiniarnermi pisiniartarnermi politikkit eqquutinneqarneranik kukkunersiunermi neqeroorutitsinermi killiussat eqquutinneqarnerat pineqarpoq.

Pisiniartarneq pillugu malittarisassat sanaartornermik suliassa qarfirmi Neqerooruteqartitsisarneq pillugu Inatsisartut inatsisaat nr. 11, 2. december 2009-meersumiippat. Nioqqutissanik kiffartuussinernillu pisiniartarneq eqqarsaatigalugu Pisortat suliassa qarfianni nioqqutissanik kiffartuussinernillu pisiniarnermi neqerooruteqartitsisarneq pillugu inatsi ulloq 01.07.2019 atulersinneqarpoq.

Taassuma saniatigut Namminersorlutik Oqartussat immikkut kaajallaasitamik ulloq 20.10.2020 akuersissuteqarput, tassani neqerooruteqartitsinermi piumasaqaatit suli sukannernerulersinneqarput. Aammattaaq kaajallaasitaq isumaqatigiissutinik tunniussinermut atuuttoq atuuppoq, taanna nioqqutissanik kiffartuussinernillu pisiniarnermut tunngassuteqartoq. Naliliisoqarpoq nioqqutissanik kiffartuussinernillu pisinermi isumaqatigiissutinik tunniussinissamut kaajallaasitamik eqquutsitsineq pingaarnertut unammillernartoqartoq.

### Ilanngunneqartut

Misissuinermi ilaatigut tulliuuttut naliliiffigineqarput;

- Pisiniartarneq pillugu politikkinik suliaqartoqarsimanersoq, pisiat suussusiannut aamma amerlassusiannut tunngasunik
- Politikkini aamma suleriaatsini erseqqissumik allaaserineqarsimanersoq pisiniarnermut atasumik akisussaaffinnik agguataarineq, tassunga ilanngullugit assigiinngitsunik pisiniarnermi periusissatut naliliinermi suut piumasaqaataanissaannik aalajangersaasoqarsimanersoq
- Akuersissuteqartarnermik periutsimik inissiisoqarsimanera aningaasartuutit akuerineqarnissannut tunngasumik, kiisalu periutsip taassuma eqquutinneqarnera pillugu.

### Maluginiakkat

Namminersorlutik Oqartussat pisiniartarnermut immikkoortortamik pilersitsisimavoq, tassannga sularineqassaaq suliassa qarfiit assigiinngitsut akimorlugit neqerooruteqartitsineq aamma suliassa qarfinnut ataasiakkaanut neqeroortitsinernek immikkut ittunik ikiuunneq. Immikkoortortaq 2021-mi neqerooruteqartitsinernek arlalinnik ingerlatsivoq/ikiuuppoq, aamma pisiniartarfiit toqqakkani isumaqatigiissutit atuuttut ingerlaavartumik malitseqartitsinernek ingerlatsiffigineqartarput.

Siunnersortinit kiffartuunneqarnermik pisiat 225 t.kr.-it sinnerlugit nalillit 40-t missaanniittut nakkutilliffigaavut.

Pisiat taakkua amerlanerpaartaat Neqerooruteqartitsisarnermut inatsimmut aamma Namminersorlutik Oqartussat pisiniartarnermut kaajallaasitaanut (250 t.kr.-it sinnerlugit akilinnik pisinernut) naapertuupput.

Pisiat taakkua 10 procentiisa missaat pisiniartarnermi kaajallaasitami aalajangiussanik tamakkiisumik eqquutitsisimanneqqooqaat.

## 4.4. Akissarsiat- aamma atorfinitsitsinerni atugassatut malitassat

### Siunertaq

Akissarsiat- aamma atorfinitsitsinerni atugassanik kukkunersiuinermi pingaartinneqarput:

- Isumaqatigiissutit allanngorneranni akigitat aqqissuussani atukkani nutarternerat
- Isumaqatigiissutinut eqqortunut inissineqarnermut t, ukiut suliffiusimasut tunngavigalugit naatsorsuinernut uppernarsaati kiisalu piginnaasanut tapisiaasaasinnaasut eqqortut
- Akissarsianik naatsorsuinerit aamma nalunaarutiginninnerit eqqortut

### Ilanngunneqartut

Kukkunersiuinermi ilaatigut nalilerneqarpoq Namminersorlutik Oqartussat:

- Suleriaatsinik pilersitsisimasoq, inatsisit atuuttut tunngaviginagit akissarsianik tunniussisoqartarneranut pitsaaliuissunik
- Periusissiaqartoq naliliissutitut atukkamik, akissarsianik inissinerni pissusissamisoortumik uppernarsaateqarnerup aallaavigineqartarneranut
- Akuersissuteqarani isersinnaasunik nakkutilliisoqarneq
- Aningaasanik nuussinerit naqiterneqarneranni akuerineqartarnerannik nakkutilliineq
- Aqutsisut suliassaat qaangerlugit sulineranni najoqqutassat atuuttut naapertorlugit akissarsisineqartarnerannik nakkutilliineq

### Maluginiakkat

Akissarsialerinerimik ingerlatsissummit akissarsianik qaammammusianik suliat toqqakkat arlallit namminersorlutik oqartussani ingerlatsivinni assigiinngitsuneersut misissorpavut.

Inunnut toqqakkanut akissarsiatut, tapitut, ullormusiassatut aamma aqqiissutitut tunniussat misissoqqissaarnerannik ingerlatsivugut aamma akissarsialeriffiup uppernarsaataannut assersuussinerimik ingerlatsilluta, aamma nakkutilliinermi atortunik soorlu akissarsiat pillugit isumaqatigiissutit, akissarsiasat nalunaarsuiffiat kiisalu kaajallaasitani allassimasut aalajangiussanut il.il. ataasiakkaanut tunngasut tamaasa ilanngullugit.

Misissugassanik tigusisarluta paasiniaanitsinni kukkunernik malunnaatilinnik takusaqanngilagut.

Taamaattoq paasivarput

- Suliani arlalinni ukiut suliffiusimasut tunngavigalugit naatsorsuinernik eqqortunik suliaqartoqarsimanngitsaq. Pissutsit paasineqartut sulisut ataasiakkaat akissarsiassaannik inissinernut aamma akissarsiassaasa amerlassusiannut isumaqarput isumaqatigiissutinut ataasiakkaanut tunngasut eqqarsaatigalugit
- Suliani ataasiakkaani soraarnerussutisianik naatsorsuinermut atasumik nalunaarutiginninnerit aamma akileraarusiinerit kukkuneqarput.
- Suliani ataasiakkaani isumaqatigiissutit naapertorlugit tapisiaasanik eqqortunik tunniussisoqartarsimanngilaq

Ilisimatitsissutigineqarpoq aaqqiinernik aamma tapisianik ataasiakkaanik akiliuteqarnernik kingorna ingerlatsisoqarsimasoq. Innersuussutigissavarput akissarsisiteriaatsinut assigiinngitsunut tunngasumik tapisiassat misissorneqaqqullugit, isumaqatigiissutinik allannguisoqarneranut atasumik sulianik/tapsianik suli eqqortumik aaqqinneqarsimanngitsunik allanik peqarsinnaanera qulakkeerumallugu.

## **4.5. Tuniniaanermi akuersissutit pisariaqartut pigineqarnerannik qulakkeerinneq aamma naatsorsuutigisaasutut ingerlanneqarnerat**

### **Siunertaq**

Tuniaanermi akuersissutit pisariaqartut pigineqarnerannik aamma tunisinernut assigiinngitsunut killiussat, taakkununga ilanngullugit najoqutassatut tunngaviit (inatsisitigut tunngavissat) naapertorlugit ingerlatsisoqarnerannik kukkunersiuneq ingerlanneqarpoq.

Ingerlatsiviit isertitanik matussutissartallit Namminersorlutik Oqartussani erseqqissarneqarsimanngillat, aamma taamaattumik qitiusumi periaatsimut aamma taamaattut akiinik inissiinerit pillugit malittarisassanik aalajangersaasoqarsimanngilaq.

Isertitat aaqqissuussami qitiusumi allaffissornermik ingerlatsiffigineqarput aamma naatsorsuutitut najoqutassaq naapertorlugu suliffimmi tassunga suleriaatsip allaaserineqarnerannik ingerlatsisoqassaaq.

### **Ilanngunneqartut**

Nakkutilliinerup ilaatigut imarai;

- suliamik ilinniarfinni akigitatut nalunaarsukkat aningaasanut inatsimmi akuersissutigineqartunut assingunersut
- akigitatut ulloq unnuarlu angerlarsimaffinnut atorneqartut akigitatut nalunaarsorneqarfianiittunut assingunersut

### **Maluginiakkat**

Suliamik ilinniarfinnut akigitatut pissarsiassatut atorneqartut aningaasanut inatsimmut misissugassanik tiguisarluni naligiissaarneqarput, oqaaseqaatitaqanngitsumik.

Assingusumik meeqqanut inuusuttunullu ulloq unnuarluarlu angerlarsimaffinni innarluutilinnullu akigitatut atorneqartut akigitatut allattorsimaffiannut nallersuullugit nakkutilliiffigineqarput, oqaaseqaatitaqanngitsumik.

Taamaattumik suli innersuussutigissavarput isertitassanik akiliuteqaqqusissutinik passussinermik ingerlatseriaatsip tamakkiisup allaaserineqarnerannik suliaqartoqaqqullugu.



## 4.6. Tapiissutitik agguassinermit malittarisassanut tunngavissamik eqquutitsineq

### Siunertaq

Tapiissutit Aningaasanut Inatsimmi tapiissutitut akuersissutit aqutigalugit tunniunneqartarput, tasani tapiissutit aalajangersimasunik tunniussinissamut aallaavittut killiliussat/piumasaqaatit erseqqissarneqarsimapput. Tapiissutitik pissarsisartut annermik tassaapput kommunit, ingerlatsiviit namminersortitat, suliffeqarfiit Namminersorlutik Oqartussanit pigineqartut kiisalu suliffeqarfiit allat, peqatigiiffiit il.il.

### Ilanngunneqartut

Naalakkersuisoqarfiit tamarmik aningaasanut inatsimmi suliassaqaarfimmu attuumassuteqartumik tapiissutitik ingerlatsinissamut akisussaaffeqarput. Kontot pingaernerit tassaapput:

- Ingerlatsinermit tapiissutit
- Inuussutissarsiutitut tapiissutit allat
- Tapiissutit allat

Aningaasanut inatsimmi suliassaqaarfinnik angisuunik ataasiakkaanik matussusiisut misissugassanik tiguisarluta nakkutilliiffigaavut tassunga ilanngullugu nakkutilliiffigalugit, tunniunneqartut aningaasaliissutigineqartumut assingunera.

### Maluginiakkat

Misissugassatut tigusat pingaarutilinnik oqaaseqaasiorfigineqaratik nakkutilliiffigineqarput .

## 4.7. Aningaasaliissutitut malittarisassat, taarsigassarsianut malittariassat il.il., eqquutinneqarnerat

### Siunertaq

Pisortat ingerlatsineranni tunngaviumik malittarisassasavoq aningaasartuutit suulluunniit akilernerqassanngitsut aamma isertitat suulluunniit isertinneqassanngitsut taakkununga akuersissutit pisariaqartut pigeqqaartinnagit. Taamaattumik siunertaavoq aningaasaliissutitut- aamma taarsigassarsianut malittarisassat il.il. eqquutinneqarnerat nakkutilliiffigissallugit.

### Ilanngunneqartut

Ukiuoorumik naatsorsuutitut atasumik naatsorsuutitut nassuiaatit ilanngunneqartut nakkutilliiffigaavut.

### Maluginiakkat

Naatsorsuutitut najoqqutassaq immikkoortoq 7.3 naapertorlugu malittarisassat maanna imaalillugit allanngortinneqarsimapput, naatsorsuutitut nassuiaammik taamaallaat tunniussisoqassasoq,

atukkat katinnerat aningaasaliissutigineqartunit 2 procentimik imaluunniit 1 mio.kr.-inik qaangerneqarsimappata.

Naalackersuisoqarfik ilisimatitsissaaq pissutsit suut sulianut ingerlanneqartunut tunngatillugu nikingasoorutaasumut tunngavilersuutaanersut – aamma soq aningaasaliissutit aqutugalugit nikingasoorutaasumut akuersissutaasusaaq pissarsiarineqarsimannginnersoq.

Nikingasoorummut atorfiit tamarmik inuttalisoqarsinnaannginnera pissutaasimappat, uagut paasinnittaaserput naapertorlugu ilanngullugu allaaserineqartariaqarpoq, suliassaqarfimmi suliassanik naammassinninnermut sulisussarsisimannginneq qanoq kinguneqarsimanersooq.

Naatsorsuutit nassuiaataat suli peqqissaarussaanerminni aamma nikingasoorummut tunngaviusunik allaaserinninnerit assigiinngisitaarput – tassunga ilanngullugu nikingasoorutitut suli aalajangersimanagerusunut, tassa nikingasoorutit suliat allanngornerannik pissuteqarnersut nassuiarneqartarneranni. Aningaasanut Inatsimmi oqaasertaliussanut immikoortumi missingersuutitut naatsorsuutigisaasunik immikkuualuttunik ilanngussassat immikkuualuttortaanik/erseqqissarneqarnerannik allaaserinninnermut atasut eqqarsaatigineqartariaqarunarpot.

Taamaattumik uagut paasinnittaaserput naapertorlugu nassuiaatit arlalitsigut suli pitsanngorsarneqarnissaannut periarfissaqarpoq.

#### **Innersuussut**

Eqqarsaatigineqartariaqarpoq piumasaqaammik eqqussisoqassanersooq, nikingasut pillugit nassuiaatinik suliaqartoqartassanersooq, aningaasaliissutit eqquutsinneqarlutik kisianni suliat naatsorsuutigisaasunut malunnaatilimmik allaanerussuteqarsimappata.

## **4.8. Immikkoortut allat**

Immikkoortunik allanik kukkunersuineq oqaaseqaatinik pingaarutilinnik saqqummiussinissamut tunngavissiinngilaq.

# 5. Ingerlatsinermik kukkuner-siueq

## Ingerlatsinermik kukkuner-siueq misilerarneqartarpoq ingerlatsineq aningaasaqarnikkut isumatusaarluni ingerlanneqarsimanera.

Pisortat kukkuner-siueqarneqannut najoqqutassat, SOR, naapertorlugu pisussaaffinnik kukkuner-siueq ingerlanneqarsinnaavoq kukkuner-siueqartussat kaaviiartumik pilersaaruserineqarsimanagerat naapertorlugu, taamaaliornikkut kukkuner-siueqartussat pisussaaffittallit ukiut 5 qaangiukkaan-gata misissorneqartarput.

Aarlerinaatinik aamma pingaarutilinnik naliliinerput tunngavigalugu kukkuner-siueqartartussat kaaviiartussanut pilersaarummik tulliuuttumik suliaqarpugut:

Sammisanut pilersaarut	Misissorneqar-put	2021	2022	2023	2024
Sulianik- aamma nukissanik aqutsineq *	2020	(X)	X	(X)	(X)
Anguniakkanik aamma angusanik aqutsineq *	2020	(X)	X	(X)	(X)
Pisiniartarnermik aqutsineq *	2020	X	(X)	(X)	X
Ukiuni arlalinni suliniutit missingersuutaannik aqutsineq suliniutit aningaasaliiffiqineqartut *	2020	(X)	(X)	(X)	(X)
Pisortat tapiissutaasut aqqissuussanik aqutsineq	2020	(X)	(X)	(X)	(X)

\* SOR naapertorlugu sammisanut pilersaarut. Iliuserisat sukumiissusiat ukiumit ukiumut allanngorartarput, tassunga iisarnaataavoq (x).

Sammisaq ilanngussat toqqarneqarpat (ungaluutitaqanngitsumik), pingaarutilit- aamma aarlerinaatillit naliliinerit tunngavigalugit sammisa-mik toqqaasoqassaaq, taassuma ataani iliuuserineqarsimasut nakkutilliiffiqineqassapput.

## 5.1. Killiliineq

Ukiuortoortumik naatsorsuutitut atasumik ingerlatsinermik kukkuner-siueqarneq aqqissu-ussat ingerlatseriaatsillu pilersinneqarsimasut nakkutilliiffiqineqarneq.

Suliami tassani nalunaarutiginninnermut atasumik aamma/imaluunniit aningaasaqarnermik kukku-nersiueqarneq taamatullu inatsisit atuutsinneqarneq kukkuner-siueqarneq pissutsinik naapertuut-tunik maluginiagaqarut, taanna uagut nalunaarutiliarisatsinni aamma ilanngunneqassaaq.

## 5.2. Nakkutilliinermik suliaqarfik

Nakkutilliinermik suliaqarfimmi sipaarsinnaassuseqarneq, pilersitsisinnaaneq aamma pitsaasu-mik ingerlatsinermi ilaatigut pineqarput:

- Nukissat ingerlatsinerlut atorneqartut kattullutik pitsaanerpaamik naapertuuttuunerat/pitsaassuseqarnerat akeqarnerallu aallaavigalugit ingerlatsisoqarneranik ingerlaavartumik nalilersuisarnerit
- Nukissat suliallu pitsaanerpaamik ataqatigiinnerannik ingerlaavartumik nalilersuisarnerit (suliat qaffasissusiat nukissat ikinnerit atorlugit anguneqarsinnaagaluarpas)
- Sunniutissatut kissaatigisanik piviusunngortitsinerlut atasumik suliniutit pitsaanerpaaffissaanniinnerannik ingerlaavartumik nalilersuisarnerit

## 5.3. Sulianik- aamma nukissanik aqutsineq

### Siunertaq

Siunertaavoq naliliissallugu, Namminersorlutik Oqartussat suleriaatsinik aamma nammineq nakkuttilliinernik naleqquttunik pilersitsisoqarsimanersoq, aqutsisut paasissutissanik naammattunik aamma uppersuseqartunik piffissaq eqqorlugi aalajangiinernik tunngavilersorluakkanik aalajangiinissaminut atugassaannut qulakkeerinnissutaasunik.

### Ilanngunneqartut

Kukkunersiuinerup pingaarnertut imaraa aqutsisoqarfinni- aamma naalakkersuisoqarfinni aqutsisunik ingerlaavartumik oqaloqateqartarnerit.

### Maluginiakkat

Sulianik- aamma nukissanik aqutsineq Namminersorlutik Oqartussani killilimmik annertussusilik taamaallaat ingerlanneqarpoq – aamma pingaarnertut ingerlatsinermik suliassaqarfimmi, taassuma ataani sulinermik ilinniarfinni, ulloq unnuarlu neqeroorutini aamma peqqinnissaqarfimmi.

Sulinermik ilinniarfinni taamaallaat aningaasaliinerit ilaatigoortumik sulianut attuumassuteqartineqarput. Aningaasanut Inatsimmi suliassaqarfinni allani sulianut kitsisit annermik siunertaraat, naatsorsuutigisaasunik naliigiissitsinernik saqqummiussinissaq.

Taamaattoq sulianut kisitsisini nikingassutit ilaat nukissanik atuinermut toqqaannartumik sunniuteqanngilaq, atorneqarlunili aningaasaliissutit aamma atukkat nikingassutaasa akornanni nas-suiaatit ilaatut.

Allaffissornermi suliassaqarfiunerusumi sulianik- aamma nukissanik aqutsinerlut assersuutissanik nassaarniarnissaq ajornakusoorneruvoq.

## 5.4. Anguniakkanik aamma angusanik aqutsineq

### Siunertaq

Siunertaavoq naliliissallugu, Namminersorlutik Oqartussat suleriaatsinik aamma nammineq nakkuttilliissutunik naapertuuttunik pilersitsisimanersoq, anguniakkanik Naalakkersuisunit aalajangersarnerqarsimasunik Namminersorlutik Oqartussat nalunaarusiornissaannut qulakkeerinnissutaasinnaasunik, kiisalu periutsinik aqqissuussanik anguniakkanik nalunaarutiginninnermik eqqortumik suliaraqarnissamut tapertaasinnaasunik pilersitsisimanersoq.

## **Ilanngunneqartut**

Kukkunersiuinerup pingaarnertut imaraa aqutsisoqarfinni- aamma naalackersuisoqarfinni aqutsisunik ingerlaavartumik oqaloqateqartarnerit.

## **Maluginiakkat**

Namminersorlutik Oqartussani ilisimaaralugu anguniakkanik- aamma angusanik aqutsinermut assersuutissat ikittunnguit kisimik pigineqarput, soorlu ukiup ingerlanerani angusarineqartuviit pillugit uppernarsaatinut paasissutissat killeqaqisut pigineqartut.

# **5.5. Pisiniartarnermik aqutsineq**

## **Siunertaq**

Siunertaavoq nalilissallugu, Namminersorlutik Oqartussani suleriaatsinik aamma nammineq nakkutilliinernik naapertuuttunik pilersitsisoqarsimanersoq, Namminersorlutik Oqartussat pisiniarnermik isumaqatigiissutinik neqerooruteqartitsisartoq aamma atorluaasoq taamaaliorlunilu akikilliliissutaasinnaasunik il.il., atugaqarneranik qulakkeerinnissutaasunik.

## **Killiusat**

Nakkutilliinermi neqerooruteqartitsisarnermut assigisaanullu tunngasut pillugit suleriaatsit aaqqissuussat misissorneqarput, aamma sammisat ataani takuneqarsinnaasunut tunngasut. Nakkutilliinermi neqerooruteqartunik assigisaanillu toqqaanerit ingerlanneqarsimasut nalilerneqanngillat.

## **Ilanngunneqartut**

Pisiniartarnermik immikkoortortaq ataatsimeeqatigaarput tassungalu atasumik sammisat kingorna suliaralugit:

- Pisiassatut pisariaqartitanik nalunaaruteqartarnerit
- Pisiniarnissamut pilersaarutit allanngutsaaliornarat
- Pisiniarnissamut nittarsaassivimmik ammaaqqinneq
- Pisiniartarnermik misissuinerit
- Indkøbsanalyser

## **Maluginiakkat**

Pisiniartarneq pillugu politikkeqarnera aamma pisiniarnermik ingerlatsinermi tassungalu uppernarsaatinik saqqummiussassat pillugit periusissamik suliaqartoqarsimanera nakkutilliiffigaarput.

Pisiniarnissamut pilersaarutit allanngutsaaliornarat pisarpoq, 250.000 kr.-it sinnerlugit akilinnik pisiassatut nalunaarutigineqarsimasut tunngavigalugit, taakkua naalackersuisoqarfinit ataasiakkaanit isumaqatigiissuteqarnerit kingorna nassiunneqartarput. Ilisimatinneqarpugut 2021-mut pisiat tamaasa pillugit nassiussisoqarsimanngitsoq, kisiannili nalunaarutiginnittarnermik atugaqalernerup

ukia siulliummat, angusat naammaginatutut nalilernerqarput. Pisianik nalunaarutiginnittarnerit 2022-mi malinnaaffigissavagut.

Pisiniarnissamut pilersaarutit suliarineqarnerat allanngutsaaliorneqarnerallu nakkutilliiffigaavut, immikkoortotaqarfimmiillu neqerooruteqartitsinerit pilersaarutaasutut amerlassuseqartut ingerlanneqarsimanerat, kiisalu siunissami neqerooruteqartitsinissatut pilersaarut pingaarutillit.

Aammattaaq nakkutilliiffigaarput, immikkoortortamit pisiniarnissamut nittarsaassivik Nanushop pilersaarutaasutut ammaqqinneqarsimanera taannalu aqutigalugu siunissami pisiniarnermik isumaqatigiissutit atorluarneqarnerusinnaapput.

Pisiniarnermik paasinaanermut aqqissuussaq (BubolInvoice) aqutigalugu aqutsisunut paasissutissiineq atuutsinneqalersimannngilaq, aamma ilisimatinneqarpugut tassunga ilaatigut pissutaasoq aqqissuussami paasissutissat pillugit unammilligassat, kiisalu ASA-mi missingersuutini suli pingaarnersiorneqarsimannnginnera. Naliliivugut malittarisassiamik malittarinninnissaq pingaaruteqartuusoq aamma taassuma pingartinneqarnissaa innersuussutigaarput.

Aammattaaq innersuussutigissavarput pisiniartarfinit paasissutissat piusut aamma paasissutissat allat tunngavigalugit erseqqissaasoqaqqullugu suliassa qarfiit suut neqerooruteqartitsiffiusinnaasutut piukkunnaateqarnersut paasiniarneqaqqullugit.

## 6. Ingerlatsinermik kukkuner-siunerit anginerit

Misissuisitsinerit anginerit Kukkunersiuinermut Ataatsimiititaliamit imaluunniit Naalackersuisunut ilaasortanit aallartinneqartarput.

Misissuinerit anginerit pilersaarusiorneqartarput misissuinermit sammisassaq aalajangersimasoq aallaavigalugu, taakkunani ilanngunneqarlutik aningaasaqarnermut aamma inatsisinut tunngasut.

Sammisassat Kukkunersiuinermut Ataatsimiititaliamit imaluunniit Naalackersuisunut ilaasortanit siunnersuutigineqarsinnaapput, soorlu Deloitte avataanit kukkunersuisutut nammineq sammisassanik siunnersuuteqarsinnaasartoq.

### 6.1. Misissuinerit anginerit Kukkunersiuinermut Ataatsimiititaliamit inniminnerneqartut

Kukkunersiuinermut Ataatsimiititaliamit ingerlatsinermik kukkunersuisut misissuinerannik anginerit 2021-mi Nunap Karsiata Kukkunersuisuanut inniminniisoqanngilaq.

### 6.2. Naalackersuisunut ilaasortanit misissuinerit anginerit inniminnerneqartut

#### 6.2.1. Inatsartunut maanna aamma siornatigut ilaasortanut tapiissutit aamma taarsigassarsitsinerit allaffissornermik ingerlanneqarnerannik kukkunersiuineq

Aalisarnermut, Piniarnermut Nunalerinermullu Naalackersuisoqarfik 2020-p naanerani Inatsisartunut maanna aamma siornatigut ilaasortanut tapiissutit aamma taarsigassarsitsinerit allaffissornermik ingerlanneqarnerannik kukkunersiuinermik inniminniipput.

Ingerlatsinermik kukkunersiuinermit suliassaqarfiup immikkooqqissaarnerusumik nakkutilliiffiqineqarnera aamma ilanngunneqarpoq.

Misissuineq 2021-mi apriliip qaammataani nalunaarusiarineqarpoq.

#### 6.2.2. Nukissiorfiit Ingerlatsinermik kukkunersiorneqarnerat

Nunalerinermut, Imminut Pilersornermut, Nukissiutinut Avatangiisinullu Naalackersuisoqarfik Nukissiorfiit ingerlatsinermik kukkunersiorneqarnerannik inniminniivoq.

Nalunaarusiap immikkoortuani 1, aningaasaqarnermik misissuinermit nalunaarusiap oktoberip qaammataani 2021 tunniunneqarpoq.

Misissuinerup immikkoortua 2, missingersuutit paasiniarneqarnerannut tunngassuteqarpoq (atugassiissutigineqartunik misissuineq). Suliaq taanna suli naammassineqanngilaq.

### **6.2.3. Kalaallit Nunaanni Aalisarsinnaanermut akuersissutininik Nakkutilliisoqarfik-up nalilersorneqarnera**

Aalisarnermut Piniarnermullu Naalackersuisoqarfik Kalaallit Nunaanni Aalisarsinnaanermut akuersissutininik Nakkutilliisoqarfiup (GLFK) nalilersorneqarnissaanik suliamik inniminniivoq. Suliaq ingerlanneqartoq aamma angusat pillugit nalunaarusiaq allaqqaaganngorlugu naalackersuisoqarfimmut nassiunneqarpoq, kisianni piffissami kukkuneruisut nalunaarutaannik matuminnga tunniussinerup nalaani sulii ilusissamisut iluseqarluni naammassillugu tunniunneqanngilaq.

## **6.3. Misissuinerit angisuut allanit suliarineqartut**

2021-mi PEFA-mik misissuineq nutaaq ingerlanneqarpoq (Public Expenditure Financial Accountability (Pisortat aningaasartuutaat aningaasaqarnikkut akisussaaffeqarneq)), taanna EUMik isumaqatigiissutip ilaattut atuuppoq.

Tassunga ilanngussaqaarpugut aamma nalunaarutiginninnerup inaarneqarnera misissorparput.

Misissuinerimi inerniliusaaq maluginiarparput, Kalaallit Nunaanni pisortat aningaasaqarnerannik aqutsineq ingerlaavartumik pitsanngoriartorsimasoq, tassunga ilanngullugit neqerooruteqartitsinermik malittarisassanik 2019-mi atugaqalerneq.

Aammattaaq maluginiarparput Kalaallit Nunaat nunanut nallersuussinnaasaminut allanut sanilliulluni kusanartumik inissisimasoq.



# 7. Immikkoortunit allanit kukkuner-siuisutut suliat allat pillugit paasissutissat

## 7.1. Pisortat ingerlatsiviutaat immikkut ittut

Pisortat ingerlatsiviutai nammineertitat tassaapput Namminersorlutik Oqartussat inatsisilerinermut immikkoortortaqaafiata ilaanniittut. Pisortat ingerlatsiviutai nammineertitat ukiumoortumik naatsorsuutaat, Namminersorlutik Oqartussat ukiumoortumik naatsorsuutaasa katinnerannut ilaapput.

Pisortat ingerlatsiviutai nammineertitat tassaapput:

- Inuussutissarsionermik ilinniarfiit
- Ilisimatusarfik

Ingerlatsiviit taakkua nammineq ingerlatsinermut siulersuisoqarmata, taakkua ingerlatsinermut naatsorsuutiniq aamma namminneq saqqummiussisarput, kukkuner-siuisunit uppersaaserneqartartunik.

Immikkoortunik taakkuninnga kukkuner-siuisuineq kinguaattoorpoq, ERP-mik aqqissuussamik nutaamik atulersitsinermi unammilligassaasut kingunerannik.

## 7.2. Suliffeqarfiit nammineertitat kukkuner-siorneqartarnerat

Suliffeqarfiit nammineertitat tassaapput Namminersorlutik Oqartussat inatsisilerinermut immikkoortortaqaafiata ilaanniittut aamma tassaallutik suliffeqarfiit:

- Nukissiorfiit
- Mittarfeqarfiit
- Asiaq

Suliffeqarfiit nammineertitat Namminersorlutik Oqartussat ukiumoortumik naatsorsuutaannut ilaangillat, namminerisamik ukiumoortumik naatsorsuutiniq saqqummiussisarput.

Kukkuner-siuisut nangaassuteqarnatik, immikkut erseqqissaateqarnatik imaluunniit isorinnissutiniq oqaaseqaasioratik uppersaapput.

Ingerlatsiviit 2021-mi ukiumoortumik naatsorsuutaat pillugit kukkuner-siuisut oqaaseqaataat innersuussutigineqarput.

### 7.3. Malittarisassanit aalajangersakkat tunngavigalugit immikkoortunik allanik kukkunersiui-nerit

Immikkoortunut arlalinnut tunngatillugu malittarisassat aqutigalugit aalajangersagaavoq Namminersorlutik Oqartussanit avataanit kukkunersiuisutut toqqagaq atorneqartussaasoq.

Immikkoortut taakkua 2021-mi tassaapput:

- Kalallit Nunaata Radioa
- Naligiissitaanermut Siunnersuisoqatigiit
- Inuit pisinnaatitaaffii pillugit Siunnersuisoqatigiit
- Meeqqat Illersuisuat
- Innarluutillit Illersuisuat

### 7.4. Ingerlatseqatigiiffinnik kukkunersiui-nerit

Namminersorlutik Oqartussat pigisaasa pingaarutillit ilaat immikkoortortani namminneq inatsiseqartuni inissisimapput – pingaartumik piginneqatigiiffinni.

Piginneqatigiiffiit, piginneqatigiiffiit pillugit inatsisit ataanniipput aamma Namminersorlutik Oqartussat piginneqatigiiffinnik taakkuninnga aqutsisinnaaneranunt periarfiarfissat siulersuisutut toqqakkat aqutigalugit ingerlapput.

Namminersorlutik Oqartussat "Namminersorlutik Oqartussat ingerlatsiviutaanni Ingerlatsivinnut pitsaasumik aqutsineq pillugu najoqqutassat" akuersissutiginikuuaat, soorlu Namminersorlutik Oqartussat ingerlatsiviutaat pillugit ukiumoortumik nalunaarusiamik Inatsisartunut saqqummiunneqartussamik suliaqartoqartartoq.

Nalunaarusiaq kingulleq 2021-meersoq ingerlatseqatigiiffiit 2020-mi naatsorsuutaannik imalik pissaarsaaraarput misissorlugulu.

Ingerlatsivinnut malittarisassat Namminersorlutik Oqartussanut atuutsinneqanngillat, aamma taamaattumik ingerlatsivittut piginnittutut nalunaarsugaanani. Taamaattumik aamma suliffeqarfisuar- suarmut naatsorsuutinin suliaqartoqarneq ajorpoq.

Ingerlatsiviit ukiumoortumik nalunaarutaat kukkunersiui-nermik ingerlatseqatigiiffinnit assigiinngitsunit kukkunersiorneqartarput.

Ukiumoortumik nalunaarutit pissarsiarineqarsinnaasut kingullit pissarsiarisimavagut, ukiumoortumik nalunaarutini aqutsisut nalunaarutaat kukkunersiuisut uppersaanerannik erseqqissaatitaqannginnerat imaluunniit isorinnilluni oqaaseqaatitaqannginnerat nakkutilliiffigalugit.

Deloitte 2021-mi ataatsimeersuarnernit Namminersorlutik Oqartussat ingerlatseqatigiiffiutaanit tulluuttunit kukkunersiuisutut toqqagaavoq:

- INI A/S
- Illuut A/S

- Kalaallit Airport suliffeqarfissua

# 8. Paasisutissat allat

**Uagut kiffaanngissuseqarnerput tunngaviusumik aalajangiisuvoq avatangii-sitsinnit kukkunersiuisutut arlaannut pituttorsimanngitsutut sulinita tatiginerqarnerannut. Taamaattumik tamanna illersugaraarput – inuttut aamma sulianut tunngatillugu.**

Uagut ingerlatseriaatsitta qularnaarpaa kukkunersiuisoqatigiit suliffeqarfimmi kukkunersiuukkatsinni aqutsinermik sulisunut inuttut attaveqartuunnginnerput.

Uagut ingerlatseriaatsitta aamma qularnaarpaa suliffeqarfik kukkunersiugarput sinnerlugu sulianik ingerlatsineq ajortugut uagut kiffaanngissuseqartuunitsinnut assortuussinnaasunik, tassunga ilann-gullugu imminut kukkunersiornissamut aarlerinaatitaqarsinnaasunik imalinnik.

Immikkoortumi matumani suliffeqarfimmut suliassat suliarisavut ilisimatitsissutigaagut.

## 8.1. Aaqqissuussaq sinnerlugu suliassat imis-sutigineqartut allat

### 8.1.1. Uppernarsaanermik suliassat

- 2019-imut aatsitassanut naatsorsuutit kukkunersiorneqarnerat

### 8.1.2. Suliassat allat

Ulloq maajip 7-at 2021 kukkunersiuisutut oqaaseqaammik tunniussinitta kingorna suliffeqarfimmut suliassat tulliuuttut ingerlappavut:

- Akiliisitsiniaanermik immikkoortortap nuunneqarnissaanut allakkiamik suliaqarneq
- Nukissiorfiit aningaasaqarneranik misissuineramik ingerlatsineq
- Kalaallit Nunaanni Aalisarsinnaanermut Akuersissutininik Nakkutilliisoqarfiup nalilerneqarnera
- Esani A/S pillugu aningaasaliissuteqarnermut aaqqissuusap allanngortinnera pillugu allakkiamik suliaqarneq
- Mittarfinnik nutaamik aaqqissuusseqqinneq pillugu inuiaqatigiit aningaasaqarnerannut misissuinerup nutarterneqarnera


# 9. Atsiornerit

Inatsisit naapertorlugit matumuuna uppersassavarput, inatsisit naapertorlugit arlaannaannulluunniit attuumassuteqartussaanginnermik piunarsaqaatit naammassigatsigik, aamma kukkuniuine-rup nalaani paasissutissat qinnutigisimasavut tamaasa pissarsiarisimagatsigik.

Nuuk, ulloq 06. maj 2022

## Deloitte

Statsautoriseret Revisionspartnerselskab



Bo Colbe

Kukkuniuine-rup naalagaaffimmit akuerisaasoq



Per Timmermann

Kukkuniuine-rup naalagaaffimmit akuerisaasoq

**Om Deloitte**

Deloitte leverer ydelser inden for Revision, Skat, Consulting og Financial Advisory til både offentlige og private virksomheder i en lang række brancher. Vores globale netværk med medlemsfirmaer i mere end 150 lande sikrer, at vi kan stille stærke kompetencer til rådighed og yde service af højeste kvalitet, når vi skal hjælpe vores kunder med at løse deres mest komplekse forretningsmæssige udfordringer. Deloitte's ca. 330.000 medarbejdere arbejder målrettet efter at sætte den højeste standard.

**Deloitte Touche Tohmatsu Limited**

Deloitte er en betegnelse for Deloitte Touche Tohmatsu Limited, der er et britisk selskab med begrænset ansvar, og dets netværk af medlemsfirmaer. Hvert medlemsfirma udgør en separat og uafhængig juridisk enhed. Vi henviser til [www.deloitte.com/about](http://www.deloitte.com/about) for en udførlig beskrivelse af den juridiske struktur i Deloitte Touche Tohmatsu Limited og dets medlemsfirmaer.